

## **U G O V O R**

### **o advokatskim uslugama**

zaključen u Sarajevu dana 17.02.2017. godine

na osnovu člana 87. stav (3) Zakona o javnim nabavkama („Službeni glasnik Bosne i Hercegovine“, broj: 39/14) i člana 7. stav (1) tačka b) Pravilnika o postupku direktnog sporazuma („Službeni glasnik Bosne i Hercegovine“, broj: 90/14), između

1. Kantonalna agencija za privatizaciju, ul. Hamida Dizdara broj 1, Sarajevo, koju zastupa Bojan Varunek, vršilac dužnosti direktora (u daljem tekstu: KAPSA)  
i
2. Plamenko Čustović, advokat iz Sarajeva, ul. Branilaca Sarajeva 45, ID: 4300301680005 (u daljem tekstu: Advokat)

#### **Član 1.**

Ugovor se zaključuje na osnovu prethodno provedenog postupka javne nabavke usluga zastupanja, savjetovanja i konsultovanja, postupkom direktnog sporazuma i na osnovu Odluke o izboru najpovoljnijeg ponuđača i dodjeli ugovora u postupku direktnog sporazuma broj: 21-01-49-15 od 31.01.2017. godine.

Ugovorne strane su saglasne da KAPSA u okviru svog poslovanja treba osigurati kvalitetnu i stručnu pravnu pomoć radi što adekvatnijeg osiguranja zakonitog ostvarivanja svoje poslovne djelatnosti, u koju svrhu se sklapa ovaj ugovor.

#### **Član 2.**

Predmet ovog ugovora je stručna pravna pomoć koju sačinjava:

- zastupanje KAPSA pred Općinskim i Kantonalnim sudom u Sarajevu;
- davanje usmenih i pismenih pravnih savjeta;
- sastav ugovora, dopisa, podnesaka i dr.

#### **Član 3.**

KAPSA se obavezuje da za svaki predmet koji se advokatu ustupa na zastupanje blagovremeno dostavi posebna punomoć i potrebna dokumentacija koja se odnosi na predmet spora.

Uz dostavu dokumentacije KAPSA će u pismenom podnesku dati svoje mišljenje i označiti službenu osobu KAPSA s kojom advokat može vršiti komunikaciju u vezi sa predmetom spora.

#### **Član 4.**

Advokat se obavezuje sve poslove iz člana 2. ovog ugovora obavljati savjesno i odgovorno, poštujući pravila svoje profesije i respektujući postojeći pravni poredak, te u okviru advokatskog zadatka i etike zalagati se maksimalno za interese KAPSA.

#### Član 5.

Ugovorne strane su saglasne da po okončanom postupku u korist KAPSA a temeljem sudske odluke o troškovima na teret druge strane, dosuđeni sudski troškovi koji se odnose na zastupanje pripadaju advokatu, dok KAPSA pripadaju dosuđeni troškovi sudskih taksi, vještačenja i drugi materijalni troškovi koje je KAPSA snosila u postupku.

Advokat ima pravo i na naknadu materijalnih troškova u vezi sa pružanjem usluga (troškovi službenog puta i sl.).

#### Član 6.

Ugovorne strane ovim ugovorom su dogovorile cijenu za advokatske usluge iz člana 2. ovog ugovora, prema ponudi advokata od dana 26.01.2017.godine, koja je sastavni dio ovog ugovora, što predstavlja mjesečni paušal u iznosu od 500,00 KM (slovima: petsto konvertibilnih maraka), bez obračunatog poreza na dodatu vrijednost, odnosno za ugovorni period ukupno 6.000,00 KM (slovima: šest hiljada konvertibilnih maraka), bez obračunatog poreza na dodatu vrijednost.

Plaćanje će se vršiti u iznosu iz prethodnog stava, uvećanom za iznos poreza na dodatu vrijednost, počev od 01.februara 2017.godine, na osnovu fakture koju će advokat ispostavljati do 10-og u mjesecu za prethodni mjesec.

Advokat se obavezuje na nepromjenljivost ponuđene cijene tokom ugovornog perioda.

#### Član 7.

KAPSA može otkazati ugovor u svako vrijeme, s tim što je u tom slučaju dužna platiti sve do tada obavljene usluge i troškove, u skladu sa ovim ugovorom.

Advokat može otkazati ugovor sa otkaznim rokom od 30 dana, pri čemu mora voditi računa da se otkaz ne smije negativno odraziti na interese KAPSA.

#### Član 8.

Ugovorne strane su saglasne da eventualne sporove nastale u izvršenju ovog ugovora rješavaju mirnim putem, u suprotnom nadležan je sud u Sarajevu.

#### Član 9.

Ovaj Ugovor se zaključuje na period od 12 mjeseci, do 31.januara 2018.godine.

#### Član 10.

Ovaj ugovor sačinjen je u 4 (četiri) istovjetna primjerka, od kojih svaka strana zadržava po 2 (dva).

Kantonalna agencija za privatizaciju

  
Bojan Varunek

Broj: 21-01-49-33/17

ADVOKAT  
Plamenko Čustović  


